



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

CXLIX. De communicatione Indulgentiarum totius Ordin. Provinciæ Silesiæ
Monachorum Cisterciensium.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

mus. Præsentibus perpetuis futuris temporibus valituris.

§. 5. Volumus autem, ut earumdem præsentium literarum transumptis, seu exemplis, etiam impressis, & sigillo Personæ in Ecclesiastica dignitate constitutæ munitis, eadem prorsus fides ubique habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die XXIX. Julii MDCCXVI. Pontificatus Nostri Anno Decimosexto.

CXLVIII.

Reservatur Summo Pontifici dispensatio a Voto perseverantiæ pro Congregatione Clericorum Doctrinæ Christianæ.

De dispensatione Voti, ac juramenti horum Clericorum vide Inn. XII. Const. ed. 1699. Jun. 23. P. 8. De suffragio deliberativo pro Definitorum adjuncto hujus Pontificis Const. ed. 1714. Jun. 11. P. 14. Et Bened. XIII. Const. ed. 1723. Nov. 24. P. 1. extat eadem reservatio pro Congregatione in Regno Neapolitano.

Dat. 28. Sept.
1716. An. 16.

C L E M E N S P A P A X I .

Ad futuram rei memoriam.

In Capitulo Gen. 1715. decretum fuit, ut Novitii emitterent stabilitatis votum, ejusmodi dispensatio spectaret ad Rom. Pontificem.

EXponi Nobis nuper fecerunt Dilecti Filii Præpositus, Diffinitores, ac Presbyteri Congregationis Doctrinæ Christianæ de Urbe, quod ipsi ad augendam, & conservandam eorum Congregationem in Capitulo Generali die 14. Maji anni proxime præteriti habito, illique præsentem dilecto filio nostro Francisco Maria Casini tituli Sanctæ Priscæ S. R. E. Presbytero Cardinali Sanctæ Priscæ nuncupato Visitatore Apostolico Congregationis hujusmodi a Nobis deputato decreverunt, ut de cætero Novitii post probationis annum votum stabilitatis, cujus dispensatio Nobis, & Romano Pontifici pro tempore existenti reservata sit, emittere teneantur. Nobis propterea humiliter supplicari fecerunt, ut in præmissis opportune providere, & ut infra indulgere de benignitate Apostolica dignaremur.

Preces Congregationis.

§. 1. Nos igitur dictos Exponentes specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure, vel ab homine, quavis occasione, vel causa latis, si quibus quomodolibet innodatæ existunt ad effectum præsentium dumtaxat consequendum harum serie absolventes, & absolutas fore censentes, hujusmodi supplicationibus inclinati, de Venerabilium Fratrum nostrorum S. R. E. Cardinalium Concilii Tridentini Interpretum, qui ad Dubium propositum, an & quomodo prælatorum exponentium precibus esset indulgendum in casu &c. affirmative pro ingressur tantum, responderunt consilio, dispensationem super dicto Voto perseverantiæ Nobis, & Romano Pontifici pro tempore existenti dumtaxat auctoritate Apostolica tenore præsentium reservamus, & quatenus e dicta Congregatione sine dispensatione hujusmodi egrediantur ab exercitio Sacrorum Ordinum suspensi remanere debeant, salva tamen semper in præmissis auctoritate Congregationis eorumdem Cardinalium.

Reservatio d. dispensationis pro ingressur tantum secundum Congregationis Concilii Decretum.

Clausula.

§. 2. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quancumque spectabit, inviolabiliter observari: sicque in præmissis per quoscumque Judices Ordinarios, & Delegatos, etiam

Causarum Palatii Apostolici Auditores judicari, & definiri debere; ac irritum, & inane si secus super his a quoquam, quavis auctoritate scienter, vel ignoranter contigerit attentari.

§. 3. Non obstantibus præmissis, ac Constitutionibus, & Ordinationibus Apostolicis, necnon dictæ Congregationis Doctrinæ Christianæ, etiam juramento, confirmatione Apostolica, vel quavis firmitate alia roboratis, statutis, & consuetudinibus; privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac ad verbum insertis habentes, illis alias in suo robore mansuris, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die XXVIII. Septembris MDCCXVI. Pontificatus nostri Anno Decimosexto.

Conceditur Provinciæ Silesiæ Monachorum Cisterciensium communicatio Indulgentiarum totius Ordinis, & Monasteriorum Superioris Germaniæ.

CXLIIX.

Eandem communicationem quinimo ampliolem vide concessam pluribus Provinciis Const. ed. 1715. Mar. 7. P. 15. Et Bened. XIII. Const. ed. 1728. Jan. 25. P. 5. confirmantur privilegia Ordinis.

C L E M E N S P A P A X I .

Ad perpetuam rei memoriam.

PASToralis officii, quod Authore Deo gerimus, debitum exigit, ut paternam Christifidelium divinis obsequiis sub suavi monasticæ vitæ jugo mancipatorum curam gerentes, felicibus eorum in via Domini progressibus, quantum Nobis ex alto conceditur, consulere jugiter studeamus.

Dat. 8. Oct.
1716. An. 16.

Exordium.

§. 1. Cum itaque, sicut dilecti filii moderni Visitator, & Vicarius Generalis, alique Prælati Provinciæ Silesiæ Ordinis Cisterciensium. Nobis nuper exponi fecerunt, ipsi privilegia, gratias, & indulta quibus dictus Ordo Cisterciensium, ejusque Monachi Germaniæ Superioris fruuntur, sibi, ac omnibus dictæ Provinciæ Monasteriis, quemadmodum aliis Monasteriis Ordinis hujusmodi a Sede Apostolica concessum fuisse memoratur a Nobis communicari plurimum desiderent. Nos ipsos exponentes specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure, vel ab homine, quavis occasione, vel causa latis, si quibus quomodolibet innodatæ existunt ad effectum præsentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum, qui relationem dilecti, etiam filii moderni Procuratoris Generalis dicti Ordinis super præmissis eisdem Cardinalibus factam attenderunt consilio, enarratam communicationem privilegiorum quoad Indulgentias tantum prædictis Prælati, & Monasteriis Provinciæ Silesiæ hujusmodi, auctoritate Apostolica tenore præsentium concedimus; salva tamen semper in præmissis auctoritate Congregationis eorumdem Cardinalium.

Preces Prælatorum pro privilegiis universis.

Concessio quoad Indulgentias tantum.

§. 2. Decer-

§. 2. Decernentes ipsas presentes literas semper firmas, validas, & efficaces existere, & fore, suisque plenarios, & integros effectus sortiri, & obtinere, ac illis ad quos spectat, & pro tempore quodcumque spectabit plenissime suffragari; sicque in præmissis pro quoscumque iudices Ordinarios, & Delegatos, etiam Causarum Palatii Apostolici Auditores judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus nostra, & Cancellariæ Apostolicæ Regula de non concedendis Indulgentiis ad instar, aliisque Constitutionibus, & Ordinationibus Apostolicis, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die VIII. Octobris MDCCLXVI. Pontificatus nostri Anno Decimo-sexto.

CL.

Confirmatur Decretum Congregationis Episc., & Regul. de alternativa inter duas filiationes Fratrum Eremit. S. Augustini Discalc. Congregationis SS. Conceptionis M. V. in Regnis Lusitanæ, & Algarbiorum servanda.

Const. ed. 1702. Nov. 24. P. 3. extat prohibitio ne duo consanguinei suffragentur. Const. edit. 1708. Aug. 14. P. 8. abolita fuit alternativa in Provincia B. M. de Gravia. Const. ed. 1715. Sept. 14. P. 15. Et Const. ed. 1716. Mar. 31. P. 16. Statutum fuit tempus Vicarii Gen. hujus Congregationis. Inn. XIII. Const. ed. 1723. Sep. 20. P. 3. extat moderatio Constitutionis de consanguineis. Et Benedic. XIII. Const. ed. 1727. Feb. 27. P. 2. extenditur præd. alternativa.

CLEMENS PAPA XI.

Ad futuram rei memoriam.

Alias Nos ad supplicationem charissimi in Christo filii nostri Joannis Portugallæ, & Algarbiorum Regis illustris gubernium sexennale Vicarii Generalis Congregationis Sanctissimæ Conceptionis B. M. Virg. Immaculatæ Fratrum Discalcæatorum nuncupatorum Ordinis Eremitarum Sancti Augustini in Regno Portugallæ ad triennale cum vacante trienniali in futurum reduximus, omnesque ejus Superiores Generales constituitis, & deputavit, cum solitis tamen vacantibus postquam iidem Superiores in eorum respective officiis, spatium sex annorum expleverint, ac Superioribus Generalibus sic a Nobis electis, & constitutis, alios Superiores subalternos, nempe Priores, Subpriores, Magistros Novitorum, & Lectores ejusdem Congregationis, servata tamen forma circa eorumdem officiorum vacationem Constitutionis felic. rec. Urbani Papæ VIII. Prædecessoris nostri, quæ incipit - *Circumspecta*, etiam pro Fratribus Discalcæatis Provinciæ Italiæ dicti Ordinis editæ, substituendi facultatem elargiti fuimus, ea tamen lege, ut triennium Dominica sexta post Pascha Resurrectionis Dominicæ proxime præteritum incipere deberet, & alias, prout in hinc nostris primis quidem die 14. Septembris anni proxime præteriti, novissimis vero die 31. Martii currentis anni desuper in simili forma Brevis respective expeditis literis, quarum tenores præsentibus pro plene, & sufficienter expressis, ac de verbo ad verbum inseris haberi volumus uberius continetur; Et subinde pro parte ipsius Joannis Regis Nobis exposito, quod ipse pro perpetuo ejusdem Congregationis, quæ decem Conventibus, & quatuor Vicariis constabat, stabilimento, duas particulares filiationes in eadem

Congregatione, nempe unam in *Extremadura*, alteram vero in *de Alentejo*, & *Algarbiorum* respective Provinciis nuncupandas, assignando unicuique ex eis quinque Conventus, & duas Vicarias introduci desiderabat, quemadmodum Fratribus ejusdem Ordinis Eremitarum S. Augustini, & Sancti Francisci de Observantia Reformatorum, ac Tertii Ordinis ejusdem Sancti Francisci respective nuncupat. per Nos concessum fuisse memorabatur, itaut eidem Provinciæ Extremaduræ Regius Conceptionis Montis Oliveti Ulyssiponen. Caput totius Congregationis, itidem Regius B. M. V. de Pietate de Santarem, Assumptionis ejusdem B. M. Virginis de Sobreda, Boni Jesu Villæ Portus de Mos, Beatæ Mariæ de bon hora Curia, & dictæ Civitatis Ulyssiponen. respective nuncupat. Conventus, necnon de Palma Civitatis Bahien. omnium Sanctorum in Brasilia, Sancti Jacobi Insulæ, Sancti Thomæ Vicariæ, ac Provinciæ de Alentejo, & Regni Algarbiorum, de Beira, Mintro, & de Frans de Montes, B. M. de Mercede Civitatis Elboren. prædictæ Provinciæ de Alentejo Metropolis ejusdem Beatæ Mariæ de Orada, de Manfaras, B. M. V. de Consolatione Villæ de Extremos, Conceptionis ejusdem B. M. Virg. Ville de Monte Mox il Novo, S. Mariæ Civitatis Portalegren., etiam respective nuncupat. Conventus, necnon ejusdem B. M. V. della bona hora Ville de Setubal, ac ejusdem B. M. Virgin. de i Poveri, Villæ de Lauç Regni prædicti Algarbiorum Vicariæ concedantur. Utque prima filiatio una cum suis Conventibus, etiam Insularum adjuncta cum supradicto Regio Conventui Conceptionis Montis Oliveti Ulyssiponen., Secunda vero filiatio Provincia de Alentejo, & Algarbiorum nuncupat. memorato Conventui ejusdem B. M. V. de Mercede additæ esse debeant, atque in celebratione Capituli Generalis alternativam inter dictas duas filiationes servetur itaut Vicarius Generalis pro uno, ex prima, altero vero triennio ex secunda filiatione hujusmodi, prout cæteri Superiores Generales, Priores, Vicarii, Subpriores, Magistri Novitorum, & Lectores, servata tamen æqualitate Officiorum inter Religiosos dictarum filiationum dividendorum assumantur. Si autem Vicarium Generalem ante ultimum annum triennii sui Gubernii præmori contigerit, cum novus Vicarius juxta Constitutionum Apostolicarum dispositionem eligendus sit ex ea filiatione, cujus erat Defunctus, eligi debeat, idque etiam in casibus magni momenti, vel renunciacionis, aut depositionis ab officiis dicti Vicarii Generalis, aliorumque Superiorum Generalium, Priorum, Subpriorum, Magistrorum Novitorum, & Lectorum servandum sit. Si vero progressu temporis, novos Conventus in posterum in eadem Congregatione augeri contigerit, primus scilicet primæ filiationi Extremaduræ, alius vero erigendus Conventus hujusmodi alteri filiationi de Alentejo accrescat, & si Conventus hujusmodi in Provincia de Beyta Minho, & de tras dos Montes nuncupat. numero quatuor, vel plures essent, tertia filiatio uni ex hujusmodi Conventibus erectis addita, ubi filii dictarum Provinciarum congregabuntur, fiat, & tunc tunc, seu circulus tripartitus conficietur, ita ut tunc Vicarius Generalis in uno ex Conceptionis, in altero ex Beatæ Mariæ de Mercede & in reliquo triennio ex nova filiatione aucta eligetur, idque etiam in aliorum Officiorum subalternorum repartitione servari debeat: Ideoque pro parte ejusdem Joannis Regis Nobis supplicato, ut pro communi ejusdem Provinciæ pace, & tranquillitate, ac perpetua Constitutionum Apostolicarum observantia alternativam prædictam confirmare dignemur. Nos supplicem Nobis super præmissis portestam ad

Dat. 26. Oct.
1716. An. 16.

Epitome
duarum Con-
stit. Clem.
XI. de regi-
mine Vicarii
Gen. ad
triennium
contracto,
Superiorum-
que electio-
ne.

Præces Regis
pro triplici
filiatione, &
tripartita al-
ternativa, cu-
jus modus
describitur.